



Broj: 22-04-44-1-247/18
Sarajevo, 05.09.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 04.09.2018. do 07:00 sati 05.09.2018. godine

Jučer, 04.09.2018. godine, u 12:58 sati, Kantonalni operativni centar civilne zaštite primio je putem telefona informaciju da je, u rejonu sela Lukomir na Bjelašnici, stariji planinar povrijeđen prilikom pada i da je potrebna pomoć kako bi se isti izvukao iz kanjona Rakitnice.

Nakon obavljene procedure za angažiranje Gorske službe spašavanja - stanica Sarajevo, prvi tim GSS-a u 13:11 sati krenuo je u akciju spašavanja. Drugi tim GSS-a bio je spreman u 14:15 sati, kada je i krenuo u akciju kao ispomoć prvom timu.

Spasioci su u Lukomir stigli u 14:49 sati, a do 15:35 sati su došli do unesrećenog, zbrinuli ga na spasilačka nosila i počeli sa izvlačenjem iz kanjona. Transport pomoću nosila do terenskog vozila GSS-a trajao je do 16:10 sati. Vozilo sa unesrećenim zaputilo se prema ekipi Hitne pomoći Sarajevo, koji su s vozilom čekali na lokaciji do koje su mogli doći.

Akcija Gorske službe spašavanja uspješno je završena u 16:46 sati, kada je povrijeđeni planinar predat ekipi Hitne pomoći.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a, i to:

- dana 04.09.2018. godine, u 13:20 sati, od dežurnog u Policijskoj stanici Vogošća, da je u ulici Skendera Kulenovića br.73, pored ulaza u stambenu zgradu, pronađena jedna ručna bomba,

- dana 04.09.2018. godine, u 14:08 sati, od dežurnog u Policijskoj stanici Ilijaš, da je u koritu rijeke Ljubine građanin pronašao minobacačku granatu.

Primljene informacije su prenesene Timu za UES Federalne uprave civilne zaštite, čiji pripadnici će pronađena neeksplozivna ubojna sredstva ukloniti u narednom periodu.

JU Zavod za javno zdravstvo Kantona Sarajevo: U periodu od 20.08. do 26.08.2018. godine na području Kantona Sarajevo ukupno je prijavljeno 59 slučajeva zaraznih bolesti obaveznih prijavi, i to: 29 enterocolitis ac. (enterokolitis), 6 herpes zoster (šindre), 10 nosocomial infections (bolničke infekcije), 3 Scabies (svrab ili šuga), 3 Toxiinfektio al. (trovanje hranom), 3 Angina streptoc. (streptokokna angina), 3 Pertussis (veliki kašalj) i 1 HVB (hepatitis B).

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su 3 (tri) intervencije, od čega su dvije manje požarne intervencije na gašenje kontejnera sa smećem i pomoćnog objekta (šupa), i jedna tehnička intervencija, sinoć u 21:06 sati na Rakovičkoj cesti, na izvlačenju unesrećenih iz automobila nakon saobraćajne nesreće.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 14°C, vlažnost zraka 94%, barometarski pritisak 942 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- F OC
- a/a



web: <http://kucz.ks.gov.ba>; e-mail: oc@kucz.ks.gov.ba
Tel: + 387 (0) 33 121, + 387 (0) 33 556-670; Fax: + 387 (0) 33 566-671
Sarajevo, Reisa Džemaludina Čauševića 1